

北京圖書館 編

北京圖書館藏珍本
年譜
叢刊



第 136 冊

北京圖書館出版社

□ 北京圖書館 編

北京圖書館藏珍本

年譜叢刊

北京圖書館出版社

第 136 冊



第一三六冊目錄

栗恭勤公年譜卷下	一
芸皋先生自纂年譜	七一
陶文毅公年譜	九五
鼎甫府君年譜	三二三
穆精額年譜	四四五
蒼溪府君年譜	四五
知非錄	四八五
張南山先生年譜撮略	五六五
客世行年卷首至清嘉慶十八年	五八一

栗恭勤公年譜卷下

惜餘道人編輯

會稽傅鍾沅訂正

大興陳均

閩縣龔秉彝參訂

大興周寶生

道光十五年乙未公五十八歲

委員查勘惠濟河工程籌議舉辦旋以升任不果四月
奉

旨署理河東河道總督 五月奉

命補授具摺謝

恩時屈伏汎請俟霜降後再行

陛見奉

旨允准並奉

硃批諸凡實力爲之河工積習若能一毫不染方爲不負

委任勉益加勉欽此又於謝兼兵部侍郎銜摺內奉

硃批實心實力爲之朕有厚望於汝焉勉益加勉欽此

公以受

恩深重益圖報稱下車之始首裁供張浮費嚴飭道廳崇
儉黜華親率文武員弁辛勤公事慎重修防蘭儀縣廟

工爲伏秋防汛駐管之地向時商賈雲集珍玩襍陳公
一無嗜好人亦無敢市奇以充饋者於是遠方賈客遂
不復來 河督往來巡工車輛夫馬沿河居民夙苦供
億公飭革除一切均由自備並恐匪徒冒充滋擾將所
帶人夫名數年貌密先造冊行知以破其奸 東豫候
補人員派委防汛往往不到公所霜降後濫膺保舉久
已目爲捷徑並有借資調劑者卽飭各道不准稟請派
委以杜浮冒其弊遂革 公以河工修守首重機宜審
度機宜全在平素留心察看素知黃河串溝久爲隱患
串溝者在隄河間其始但斷港積水而已久之溝首受

河又久之溝尾入河而串溝遂成支河於是以遠隄十餘里之河變爲近隄之河而隄河相遠之處舊皆無工不儲料者也於是以無工之處變爲至險之工故人不及覺覺且不及防往往潰隄爲大患時北岸串溝上自黃沁廳縷隄二堡下至衛糧廳封邱汛九堡互長二百餘里每當伏秋盛漲瀰漫浩瀚形同巨浸其間荆隆工衡家樓馬營工屢次漫決不但糜帑病民兼且阻塞運道所關尤鉅飭廳營認真防守隨時察看情形據實稟報 七月衛糧廳稟月石壩迤上灘水由陽武十七堡南張庵地方新刷溝槽循舊有順隄河形直達封邱汛

西園堰前歸河黃沁廳稟原武七堡小張莊新刷溝槽分溜甚大公卽親往查看工員以兩廳舊有串溝連年並無妨礙且有謂溝口出水甚利河分爲二亦可稍分水勢者公曰借水刷沙正河原喜暢利遇有串溝應築土格跨壓溝形預防分溜若溝口出水過利必至引溜成爲支河危險將不可問况串水現已直射隄根灘地溝槽與大河通氣情形迥異曩昔防護豈容稍緩至古人抽溝之法雖因正河水大可借以稍分溜勢爲一時權宜之計第溜勢旣緩沙卽停淤河身必致淤高貽患將來乃進工員而告之曰河工危險果實係猝不及防

人力難施致成漫口負咎尙小若危險之象已露不知急行搶護再遇大雨水長釀成決口則誤

國殃民之罪莫大於此於是乘小舟周歷察看見原武汛九堡之王屋莊串溝下注將灘唇刷塌三百餘丈串注順隄河下達陽武張庵仍歸大河至八月南股正河行溜六分北股分溜四分已成支河自原武十五堡至陽武十七堡共長四十餘里時丁船幫地方沁河灘水又匯入原武奔騰浩瀚拍岸盈隄而原武十五六堡緊對王屋莊進水之口係屬頂冲上游武陟滎澤各路灘水匯注最爲喫重陽武十六堡係從前失事處所尤關緊

要兩汛均係無工之處向未儲備料物其時隄南一片
汪洋隄北雨水積潦不特原武灘面皆係坡形并無高
厓可以生根築壩抑且無土可取水中不能施工斯時
進水溝口已寬至三百餘丈倘繞遠圈築竟與堵築口
岸無殊所費不貲欲鑲埽則兩汛隄長七千數百丈節
節危險斷無沿隄鑲埽之理并恐埽工刷深引溜吸動
全河因輒與石相仿見附近居民房屋多被浸沒卽委
員收買民輒先於陽武十六堡試拋攬護高出水面漸
成壩形拋至十數丈溜亦外移十數丈輒壩上下露出
淤灘不惟隄免汕刷且有土可取此外坐灣普漫之處

風浪湍激用甌蓋護隄根均資保衛復於原武汎拋辦亦甚得力公相度形勢竭四十晝夜之力督飭拋護甌土壩六十餘道溜勢外移十數丈數十丈不等以工代賑貧民亦資糊口 札飭沿河府縣撥船救渡災民施散餅餌席片勿俾失所 又因陽武汎十七堡隄南舊有土壩俗名月石壩長八百丈原爲障蔽十九堡以下串溝之水後民間因積水難消有妨農業卽挖斷以殺其流於是上有建瓴之勢下有吸川之形嗣後卽就殘缺處仿照涵洞之法建搭橋座藉以疏消積水自道光十二年至十四年漸至分溜橋洞竟寬至三十餘丈而

王屋莊分溜北趨由壩上首張庵刷出溝尾一百五十丈滔滔入河橋洞距張庵過壩身兩頭塌寬水深丈餘假如雨大河水再長張庵溝尾下移由橋洞直注則自陽武十七堡下達封邱陽封汎雨汎隄工無不著險需費既多且恐釀爲他患議將月石壩趕緊堵合卽親率弁兵兜纜趕鑲跟澆後戩堵合斷流并將壩身加高幫寬目不交睫者五夜翌日果風雨大作河水復漲雖張庵溝尾刷寬至四百二十丈王屋莊進水溝口塌寬三百六十丈支河分溜六七分水深一丈至一丈三四尺不等較正河加深一兩倍幸月石壩涵洞業已堵合

陽封等汎隄前均已停淤七十餘村莊恃以無虞 黃
沁衛糧兩廳隄身卑薄必應加培而經費有常不便另
請將應辦來年兩岸土工酌量刪減挹彼注此奏明撥
銀八萬兩趕將二廳隄工大加增築 八月奏報搶護
支河平穩情形以辦理妥速得

旨嘉獎 九月奏請籌備料物分儲原陽兩汎 是科次
子燿中式舉人 十月奏明將北岸來年應辦六成碎
石項下撥給原陽兩汎辦石銀一萬六千餘兩儲備碎
石因兵丁多貧且悍河標兵回民居多尤喜鬪狠其子
弟中不乏可教之材於濟甯城內設立義學五處俾兵

丁子弟入學讀書冀以廣儲人材卽兵之子恆爲兵亦可變化氣質不至桀驁難馴捐俸錢二千二百貫發典生息以備修脯膏火之需有不足復分俸以濟之 十一月公因應行估辦各工均已次第核辦遵

旨入都展

觀於 養心殿

召見六次

垂問畧居家世甚悉并

問河工利弊公陳奏詳明直言無隱并奏修守之法暨搶

辦支河緣由

上曰所奏均係實在情形毫無欺飾朕亦可洞悉原委眞不失讀書人本色因汝有守有爲故擢用爲河督務當認真整頓力挽頽風以期固工節用俾朕有知人善任之明方爲君臣一德迨

諭及河營弁兵公奏河營武官多係防汛兵丁出身兵丁等久歷河干歷年河勢如何遷徙并各河臣道廳辦理之善與不善皆所目擊爲河臣者但肯逐處虛心諮訪彙全局於胷中再參以近日情勢斟酌辦理以身先之自可集思廣益不至遺誤公事

上首肯者久之且曰汝能實心辦事又能虛心下問以勤

勞自任朕復何慮 十二月回任公與僚屬相接開誠
布公從無疾言厲色而議論正直屬吏無不畏服棄短
錄長不以刻覈爲能每謂人才難得不可求全責備苟
非殘民病國之人有不善當勸導之卒不改然後劾之
故與人談論惟勸以端品節勵躬行處則勉爲純儒出
則勉爲循吏體國憂民之意孝弟慈愛之心肫然溢於
言外 捐養廉銀一千八百兩發典生息仍爲河兵津
貼以開封任內所捐未敷用也 又嘗捐廉修河南獲
嘉縣文廟山東嘉祥縣文廟東平州冉子祠鄒縣孟子
廟濟甯州城垣文廟五龍宮十二連橋及本籍南門內

關帝廟并爲濟甯州漁山書院籌捐經費銀四千兩

先是河標四營止操演弓馬鎗礮并未練習陣勢公抵任後督飭將弁嚴行訓練加演三才陣并捐製硬弓頒發各營練習 嘗乘肩輿巡工昇夫偶顛躓脫肩公略不怒問曰跌傷否其愛人如此

道光十六年丙申公五十九歲二月奉

旨與河南巡撫桂燕山中丞良會勘支河因自原武汛至封邱汛隄長工險串溝鑄出上游秦家廠鹽店莊一帶均須築壩跨壓大隄雖已加高仍應擇要幫寬甄壩亦須加拋碎石奏蒙